

# মোরা একই বৃত্তে দুটি কুসুম হিন্দু-মুসলমান

## কাজী নজরুল ইসলাম

মোরা একই বৃত্তে দুটি কুসুম হিন্দু-মুসলমান  
মুসলিম তার নয়ন-মণি, হিন্দু তাহার প্রাণ ॥  
এক সে আকাশ মায়ের কোলে / যেন রবি-শশী দোলে,  
এক রক্ত বুকের তলে, এক সে নাড়ীর টান ॥

মোরা এক সে দেশের খাই গো হাওয়া, এক সে দেশের জল,  
এক সে মায়ের বক্ষে ফলে একই ফুল ও ফল ।  
এক সে দেশের মাটিতে পাই / কেউ গোরে কেউ শ্মশানে ঠাঁই,  
মোরা একই বৃত্তে দুটি কুসুম হিন্দু-মুসলমান

মোরা এক ভাষাতে মাকে ডাকি, এক সুরে গাই গান ॥  
চিনতে নেরে আঁধার রাতে করি মোরা হানাহানি,  
সকাল হলে হবে রে ভাই ভায়ে ভায়ে জানাজানি ।  
কাঁদব তখন গলা ধ'রে, / চাইব ক্ষমা পরস্পরে,  
হাসবে সে দিন গরব ভরে এই হিন্দুস্থান ॥